

O LE A LE SUPA?



O LE A LE SUPA MA E FAAPEFEA ONA FAAGAIOI?

O le superannuation, poo le "supa" e pei ona faaigoaina ai, o se itu'aiga sefega tupe mo taimi e litaea ai. I Ausetalia, o lau galuega e faamalasia ona totonu au saofaga i se faaputuga tupe supa mo 'oe. E faaigoaina o le Supa Faamau, (Superannuation Guarantee). O saofaga ia o au tupe ma e totogiina i lau supa e fesoasoani ia te 'oe e sefe mo le taimi e te litaea ai. E tele ina lē mafai ona e talaina i tua se'i vagana ua e litaea.

Na faamalasia e le Malo Ausetalia le totogiina o le supa mo le tototele o tagata faigaluega i ni tausaga ua mavae.

O A MEA E FAIA E SE FAAPUTUGA TUPE SUPA I AU TUPE?

E taliaina e le faaputuga tupe supa saofaga mai kamupani, e pei o lau galuega, ona latou faafaigaluegaina lea i mea e pei o sea ma fale mo 'oe. O le faamoemoe, e mae'a se taimi, o vaegatupe e totogi iai e lau galuega, o le a tuputupu pea i se aofa'iga telē e te faaaogaina i le taimi e te litaea ai. E ono iai ni taimi e pa'ū ai le aofa'i o tupe faafaigaluega ona o mafua'aga e lē pulea e le Tausi Mavaega supa, ae o le faamoemoe e faaolaola lau faaputuga tupe mo le taimi e te litaea ai mo se taimi 'umi.

O au saofaga supa o loo totogiina i le Australian Food Super, ona na e filifilia pe na filifilia e lau galuega le Faaputuga Supa leni.



FA'AAOGA LE TULUI FAASAUTUALASI E FAAOLAOLA AI LAU SUPA.

O le isi filifiliga e te faia o le amata vave ona faafaigaluega au tupe i le supa ae 'aia e te faatali. O le mafua'aga? Ina ia e mauaina le tului faatele ona faasautualasi.

O tului faatele ona faasautualasi o totogi e maua mai isi totogi. O lona uiga, o au tupe maua e lē na o tupe na e totogia i lau faaputuga supa, ae alu se taimi e maua mai fo'i isi totogi i tupe mai le faafaigaluegaina o au tupe ia na totogi muamua i le faaputuga.

Ma o le 'umi ona faafaigaluega, o le telē fo'i lea o le tului faatele ona faasautualasi, ma o le mafua'aga lea o le tatau ona vave ona amata totogi sau supa.

E MAFAI ONA E PULEA E 'OE LAVA LAU SUPA.

E mafai ona e pulea e 'oe lava lau supa mai lava i le amataga ma e fesoasoani e faatupula'ia le aofa'i i se vaitaimi. E tele auala e faia ai ni saofaga faaopoopo, ma e iai faamanuiaga e afua mai ai. Mo nisi faamatalaga, asiasi i la matou Pepa o Faamatalaga i le ausfoodsuper.com.au/fact-sheets/.

O le a le supa? – fa'aauau

FA'AMAMAINA O LAU SUPA

La'asaga 1 - Lola lau supa i se faaputuga e tasi

A faapea e lē tasi ae iai nisi au faaputuga supa, masalo o loo ma'imau au tupe i lou totogiina o pili ma 'au'aunaga o loo iai i faaputuga ta'itasi. Siaki pe o le lolaina uma o au supa i le Australian Food Super e aogā mo 'oe.

La'asaga 2 - Pamu i luga lau supa

O le faia o ni soafaga faaopoopo i lau supa (i luga atu o le aofa'i o loo totogiina e lau galuega) e fesoasoani tele i le faatupula'ia o lau supa. E iai auala e mafai ona e faia ai saofaga nei:

- › Tipi faavaitaimi mai lau tusi tupe (direct debit)
- › Tipi mai lou totogi
- › BPAY

E lē gata i lea, e mafai fo'i ona e mauaina le Saofaga Fesoasoani mai le Malo Tele e faaluaina ai e le Malo Tele au saofaga faaopoopo ina ua ma'e'a ona tipi ai le lafoga e tau i le \$500. Silasila i le Pepa o Faamatalaga mai la matou itulau 'upega tafa'ilagi pe vala'au mai mo nisi faamatalaga.

La'asaga 3 - Sa'ili ni fautuaga

Ina ia e silafia auala uma e faagaioi ai lau supa mo lou lumana'i manuia, vala'au mai i le 1800 808 614. O le mauaina o fautuaga faigofie* o loo aofia i lau resitara auai, ma e mafai ona matou faasino atua auala e faagaioi ai ina ia manuia lau Australian Food Super.

La'asaga 4 - Aumai lau numera lafoga TFN

Ia mautinoa ua aumai lau numera lafoga TFN. E lē faamalosia ona tu'uina mai lau numera lafoga TFN ae a lē o iai ia matou faila, e te ono totogia ni lafoga faaopoopo ma/pe e ono lē mafai ona matou taliaina nisi itu'aiga saofaga mo 'oe.

Silasila i le Pepa o Faamatalaga i Lafoga mo nisi faamatalaga, e maua i le ausfoodsuper.com.au/fact-sheets/

*Australian Food Super ua 'āmia le Link Advice ABN 36 105 811 836, AFSL No. 258 145, e 'auina atu ai nei fautuaga mo sui auai.



A faapea e te mana'omia se kopi tusitusia o lenei Pepa o Faamatalaga, faamolemole faafeso'ota'i le **Member Hotline** i le **1800 808 614**.



Laina (Member Hotline)
1800 808 614



ausfoodsuper.com.au



service@ausfoodsuper.com.au



Locked Bag 5390
Parramatta NSW 2124

O lenei pepa o lo 'auina atu e le Australian Meat Industry Superannuation Pty Ltd ABN 25 002 981 919, AFSL No. 238829, o se Tausi Mavaega a le Australian Meat Industry Superannuation Trust (le Faaputuga "Fund"), ABN 28 342 064 803 (Australian Food Super). O faamatalaga o loo tu'uina atu i lenei pepa e na o ni faamatalaga lautele. E lē o aofia ai ni ou sini 'autū, tulaga o au tupe maua poo ou mana'oga. Ae le'i faia sau faai'uga pe fa'aaogaina faamatalaga o loo i lenei pepa, e tatau ona fuafua muamua le talafeagai o faamatalaga o loo iai e faatusa i ou sini 'autū, tupe maua ma mana'oga. E tatau ona e tapā se fautuaga i mata'upu tau tupe e talafeagai ma lou tulaga faaletagata.

O aiaiga faavae o loo pulea ai le Fund, o loo tusia i le Mavaega Tausi (Trust Deed), e mafai ona maua i le 'upega tafa'ilagi i le ausfoodsuper.com.au. I lea taimi ma lea taimi, e mafai e le Tausi Mavaega ona suia aiaiga o le Trust Deed. Access the Australian Food Super PDS ma le TMD i le ausfoodsuper.com.au